



ERMUKO UDALA
AYUNTAMIENTO DE ERMUA

10. Ordenantza Fiskala Udal armarrria erabiltzeagatiko Tasa

I. XEDAPEN OROKORRA

1. ARTIKULUA

Bizkaiko Lurralde Historikoko Toki Ogasunak araupetu dituen abenduaren 16ko 2005/9 Foru Arauko 21. artikuluan xedatu denarekin bat etorritik, Udalerriko Armarrria Erabiltzeagatiko Tasa ezarri da eta zerga ordenantza honen bidez araupetuko da. Beronen arauak bat datozen abenduaren 16ko 2005/9 Foru Arauan ezarritakoarekin.

II. ZERGA EGITATEA

2. ARTIKULUA

1. Tasaren zerga egitateak haxe da: interesatuek eskaturik, baimena ematea udalerriko armarrria jarri dadin, norbanakoen xedeetarako, merkatitzako edo industriako plaka, marka, izen edo erabileretan, orriburu, logotipo, etiketa eta antzeko ezaugarrietan.

2. Udalak aginduta udalerriko armarrria nahitaez erabiltzen denean ez da tasa hau ordainduko.

3. ARTIKULUA

1. Emakida inoiz ez da izango eskusiboa eta Udalak ahalmena izango du armarrria erabiltzeko nahi beste baimen emateko, denak helburu berbererako izan arren.

2. Baimena beti pertsona batena izango da. Beraz, udalerriko armarrria erabiltzeko baimena jaso duen pertsonaren industria, denda edo fabrikaren hurrengo titularrek eta jaraunsleek ezingo dute armarrria erabili horretarako baimena beren beregi ematen ez bazaie.

III. ORDAINDU BEHARRA

4. ARTIKULUA

Udalak udalerriko armarrria erabiltzeko baimena ematen duenean sortuko da tasa, baita bera ordaindu beharra ere.

IV. SUBJEKTU PASIBOA

5. ARTIKULUA

Udalerriko armarrria erabiltzeko baimena duten berezko pertsonak eta pertsona juridikoak dira subjektu pasibo zergadunak.

V. SALBUESPENAK

6. ARTIKULUA

Ondokoak salbuetsiko dira:

- a) Ongintza, kultura eta kirol arloetan diharduten pertsonak edo erakundeak.
- b) Korporazioaren zerbitzuan diharduten langileek osatutako elkarteak.
- c) Ermuko Hiriko hiritarrek osatutako koloniak, elkarteak edo kultur zentroak, egoitza edonon dutela ere.
- d) Ermua Hiriko ikastetxe publikoak.
- e) Udalak bere gain hartutako zerbitzu publikoak monopolioan ustiatzen dituzten enpresen titularrak.

Dena dela, salbuespenak indarra izan dezan, interesatuak eskatu eta Udalak beren beregi eman behar du.

VI. ZERGA KUOTA

7. ARTIKULUA

Zerga-kuota urteko kopuru finko eta murriztezina izango da. Baimena emateagatik, baimenaren titulartasuna ondoretzeagatik eta armarria erabiltzeagatik kobratuko da, tarifa honen arabera:

- A) Baimena emateagatik 0,00€
- B) Gainera, armarria erabiltzeagatik urtean 0,00€

KUDEAKETA ETA BILKETA

8. ARTIKULUA

1. Interesatuak eskatuz gero emango da udalerriko armarria erabiltzeko baimena eta urtero luzatuko da isilbidez, titularrak beren beregi uko egiten ez badio.
2. Eskatzen duen pertsona edo erakundeari emango zaio udalerriko armarria erabiltzeko baimena. Beraz, baimendunaren ondorengoek berriro eskatu beharko dute baimena.
3. Udalerriko armarria erabiltzeko baimenaren eskabidearekin batera, erabili nahi den marrazki edo krokisa eta armarriaren ondoan jarriko den esapide edo idazkuna aurkeztu behar dira.



ERMUKO UDALA
AYUNTAMIENTO DE ERMUA

10. Ordenantza Fiskala Udal armaria erabiltzeagatiko Tasa

VII. URRATZEAK ETA ZEHAPENAK

9. ARTIKULUA

Zergaren ikerketari, zerga-urratzeen kalifikazioari eta urratzeengatiko zehapenei dagokien guztian, Bizkaiko Lurralde Historikoko Zergei buruzko Foru Arau Orokorreko artikuluetan xedatutakoa beteko da.

VIII. AZKEN XEDAPENA

Udalerriko armaria erabiltzeagatiko tasa araupetu duen Zerga Ordenantza 2001eko urtarrilaren 1ean jarriko da indarrean, behin betiko onetsi eta Bizkaiko Aldizkari Ofizialean argitaratu ondoren, eta indarrean egongo da harik eta hura aldarazi edo indargabetzea erabaki arte.